

12. parvi

Francisci

Paraccielo Confes.

II - 41

J. III. 41.

OFFICIA PROPRIA
SS. PATRONORUM
REGNI POLONIÆ
PARS ÆSTIVALIS.

DIE III. JUNII.

*In festo sancti Erasmi Episcopi & Martyris. P. R. P.
Duplex.*

*Omnia de Communi unius
Martyris, præter ea, quæ se-
quuntur.*

Oratio.

DEus, cujus virtute beatus Erasmus Martyr & Pontifex multa tormentorum genera superavit, fac nos quæsumus, ejus intercessione universas insidias inimicorum nostrorum visibillum & invisibillum cum gaudio superare, in Christo bonis operibus abundare. Per Dominum.

In primo Nocturno.

Lectioes de Scriptura occurrente.

In secundo Nocturno.

Lectio IV.

IN Antiochia persecutione
Pars Æstivalis.

Christianorum sub Diocletiano durante, Erasmus Antiochiæ Episcopus eremum petiit, ibique septem annis habitans circa montem Libanum multa miracula per Dei virtutem faciebat. Esci ei de cœlo per corvum singulis diebus ferebatur. Angelorum colloquio sæpius consolatus. Diversum ferarum genus veniebat & prosternebat se ad ejus vestigia, adorans eum. Et facta est vox de cœlo ad eum: Erasme descende ad civitatem tuam. Acquivit monitis, sedem suam repetiit, ubi multa miracula in nomine Domini nostri Jesu Christi faciens, plurimos ad fidem convertit, & publicè baptizavit. Quibus auditis Diocletianus Sanctum captivat, diis sacrificare jubet, blanditiis inducit, & comminationibus impellit. Contradicentem plumbatis in lateribus cædi præcepit. Ipse verò oculis

in cœlum defixis Deo gratias referebat.

Lectio V.

Quem iratus Imperator jubet cædi fustibus, post carceri traditur; lorica demum candenti indutus & iterum in caldari pleno sulphure, pice, resina, oleo, cera & plumbo, omnibus in simul ferventibus immittitur, & sic super ignem copiosum diu coctus cum ingenti omnium miraculo illæsus evasit. Post tot supplicia Angelus eum consolatur, ut constans, ac forti sit animo, admonet. Deinde ligatur ad statuam, sagittis ac subulis ferreis impetitur, aculei singulis digitorum suorum unguibus miserabiliter imprimuntur. Ambabus autem manibus sursum expansis ligatur ad stipitem, ubi ventre ejus perforato omnia viscera crudeliter extrahuntur.

Lectio VI.

Verum in tantis pœnis precatur Dominum, pro cuius nomine hæc omnia patienter pertulit, ut quicumque passionem ejus devotè recoleret, vitæ necessaria cum honoris plenitudine possideret: illic vox de cœlo audita est: Fiet, ut

petiisti. Et mox Deo Creatori suo animam commendans expiravit. Et ibidem multi cæci visum, surdi auditum, muti loquelam, claudi gressum cum summa omnium admiratione receperunt. Quod cum multi, quibus inerat mens sanior, viderent, ejectis idolis omnibus & diabolicæ impietatis erroribus abdicatis, jugum Domini suave, & onus ejus leve per sacræ fidei fundamentum, & baptismatis Sacramentum susceperunt. Ipse verò Martyr invictissimus à noviter conversis cum honore debito sepelitur. Passus die Dominica, qua & visa est anima ejus tamquam nix candida, dum ab Angelis cum magna gloria portaretur in cœlum.

In tertio Nocturno.

Homilia in Evangel. Si quis vult post me venire. Tempore Paschali verò in Evangel. Ego sum vitis vera.

DIE XVI. JUNII.

In festo S. Bennonis Episc. & Conf. P. R. P. Duplex.

Omnia de Communi Conf. Pont. præter ea, quæ sequuntur.

Oratio.

Oratio.

DEus, qui nos beati Ben-
nonis Pontificis con-
fessione gloriosa circumdas,
& protegis, da nobis ex
ejus imitatione proficere,
& intercessione gaudere.
Per Dominum nostrum JE-
sum Christum Filium tuum.

In primo Nocturno.

*Lectioes de Scriptura occur-
rente.*

In secundo Nocturno.

Lectio IV.

FRidericus Bultenbergen-
sis vir nobili loco natus
Pater fuit beati Bennonis,
quem ex Bezela pia ejus u-
xore susceperat. Cumque
in beato Bennone ab ineunte
ætate bona indoles eluceret,
ne illa æqualium studiis,
malis moribus ac deprava-
tis opinionibus, ut illa ætas
assolet, circumdaretur, ma-
gnopere sibi providendum
existimavit, & eum, ut pri-
mum ex infantia excessit,
divo Bernardo Episcopo
Hildesemenfi commendavit
& tradidit. Qui cum ne-
gotium sibi commissum at-
tenderet, ut puer ad virtu-
tem recte informaretur, il-
lum primum ad amorem Dei
Optimi maximi induxit,

deinde verò cum vir pru-
dens intelligeret utile esse,
si litteræ cum virtute con-
jungerentur, beatum Ben-
nonem a Bigario bono sanè
viro & docto instituendum
curavit, sub quo magnos il-
le progressus fecit. Quam-
obrem ineunte jam adoles-
centia, cum ad benè bea-
tèque vivendum satis instru-
ctus esset, monasticæ vitæ
rationem suscepit. Mona-
chus factus relictis volupta-
tibus omnem vitæ cursum in
virtute confecit.

℞. Inveni.

Lectio V.

QUod cum fratres, cum
quibus vivebat, pro-
bassent, defuncto eorum
Abbate cunctis ferè suffra-
giis Abbatiam ei detulerunt.
Verum beatus Benno, ut
erat ab omni ambitione alie-
nus, oblatum honorem re-
cusavit. At urgentes illi &
instantes beatum Bennonem
vel invitum ad dignitatem
rapiunt, quam ipse tertio
post mense deposuit, seque
ad primam vitam, & bene
quidem institutam retulit,
cepitque eum charæ me-
moriæ Henricus tertius Im-
perator diligere plurimum.
Qui cum videret sanctissi-
mum hominem ad Rempub-
licam benè gerendam na-
tum

tum esse, tantum virum in coenobii angulis ætatem consumere passus non est, illum magnoperè repugnantem è monasterio eduxit, ac præposituræ Ecclesiæ Gossariensis, Hildesemenfis Diocesis præfecit.

R. Posui adjutorium.

Lectio VI.

IN ea cum usque ad ingravescentem ætatem integrè, castèque conversaretur, Canonici Ecclesiæ Misnensis fama ejus inducti, venerandum senem, qui tunc quinquaginta sex annos natus erat, Ecclesiæ suæ præesse voluerunt. In qua, cum omnia præclarè, tum hoc clarissimè egit, quod Vandalos malè de religione sentientes ex pernicioso errore eripuit, eoque traduxit, ut cum Catholica Ecclesia pari studio fidem Christianam tuerentur. Cum jam multis annis beatus Præsul fama, vita & miraculis, suprema Dei gratia clarus vixisset, & tandem ad vitæ cursum feliciter consummandum plenitudinem dierum attigisset, ægrotare cœpit, brevè futurum sperans, ut ex hac vita ad Superos, quorum consuetudo dulcis est atque æterna, migraret. Paulo antequam

moreretur, Canonicos suos adhortatus est, ut eam charitatem, quam nos Christus docuit, studiosè complecterentur. Deinde Eucharistia magna cum pietate suscepta, è vita excessit quadragesimo Pontificatus sui anno, post Christum autem natum millesimo centesimo sexto.

R. Ille est.

DIE XIX. JUNII.

*In festo S. Bonifacii Episcopi & Martyris. P. R. P.
Semiduplex.*

Omnia de Communi unius Martyris præter sequentes Lectiones.

In secundo Nocturno.

Lectio IV.

Bonifacius, illustri ac regia stirpe natus, Othonem Imperatorem, cujus affinis erat, in Italiam secutus, cum beatum Romualdum de mundi contemptu differentem audisset, divino afflante spiritu ad eremiticam vitam transire constituit. Quare Imperatori valledicens in disciplinam ejusdem sancti Romualdi se tradidit, eumque cum sociis ad Perensem Eremum propè Raven.

Ravennam alacriter sequitur, ubi virtutibus inter cæteros fulgens quantò nobilitate sublimior, tantò conversatione humilior, non tugurii angustiam, non vestis squalorem, non pedum nuditatem, non laborem manuum erubescibat: abstinèntia tanta erat, ut sæpe nonnisi quinta feria, & Dominica die cibum sumeret, tantòque patiendi flagrabat desiderio, ut se inter vepres, & urticas sæpiùs volutaret.

Rx. Honestum fecit.

Lectio V.

ITaque martyrii consequendi & Catholicæ fidei propagandæ cupidus à Romano Pontifice ad prædicandum Evangelium versùs extremi Septemtrionis oras in Russiam mittitur, Archiepiscopali dignitate insignitus. Quò cum proficisceretur, arcta jejunia non reliquit, & divinas Horas tam Canonico, quàm Monastico ritu psallens, ejus itineris magnam partem nudis pedibus & quidem cæteros antegrediens confecit. Nec equo priùs uti voluit, quàm ultra montanos fines ingrederetur, per quos cum nullo crura, & plantas velamento contextus perge-

ret, intolerabiles algores sustinebat, ut volens descendere vix pedem à subhærente ferro disjungeret, nisi priùs aqua calida subveniretur.

Rx. Desiderium.

Lectio VI.

DEnique ubi ad littora Balthici maris pervenit, coram Rege Ruthenorum Christum prædicans, cum per medias flammās transisset illæsus, vi tanti miraculi ipsum convertit ad fidem; quem tanta multitudo secuta est, ut sanctum virum spatiosum lacum descendere oportuerit, quo abundante aquarum copia posset confluentes populos baptizare. Hæc Regis frater à Christo abhorrens, cum iniquè ferret, Bonifacium comprehendit, & publicè abscissione capitis multavit. Sed divina ultione cæcus effectus, adstantes verò insensibiles instar lapidum redditi sunt. Verùm cum Rex plurimique ex Christianis accurrissent, precibus ad Deum fufis, Regis fratri visum, & cæteris sensum restitui impetrarunt. Quare illico penitentes Christianam fidem amplexi sunt omnes, & in

honorem beati Martyris
Ecclesiam construxerunt.

R. Stola jucunditatis.

DIE XXI. JUNII.

*In festo sancti Aloysii Gonza-
ga Confessoris. Duplex.*

*In Societate Jesu Duplex II.
Classis cum Octava.*

*Omnia de Communi Con-
fessoris non Pontificis, præter
ea; quæ sequuntur.*

Oratio.

COelestium donorum di-
stributor Deus, qui in
Angelico Juvene Aloysio,
miram vitæ innocentiam
pari cum pœnitentia sociâ-
sti; ejus meritis & precibus
concede, ut innocentem
non secuti, pœnitentem
imitemur. Per Dominum.

In primo Nocturno.

De libro Ecclesiastici.

Lectio I. Cap. 31.

BEatus vir, qui inventus
est sine macula: & qui
post aurum non abiit, nec
speravit in pecunia & the-
sauris. Quis est hic, &
laudabimus eum? fecit
enim mirabilia in vita sua.
Qui probatus est in illo, &
perfectus est, erit illi glo-

ria æterna, qui potuit
transgredi & non est trans-
gressus, facere mala, &
non fecit: ideo stabilita
sunt bona illius in Domino,
& eleemosynas illius enar-
rabit omnis Ecclesia San-
ctorum.

R. Euge serve bone.

Lectio II. Cap. 32. c. & 33.

Qui timet Dominum, ex-
cipiet doctrinam ejus,
& qui vigilaverint ad illum,
invenient benedictionem.
Qui quærit legem, reple-
bitur ab ea, & qui insidio-
se agit, scandalizabitur in
ea. Qui timent Dominum,
invenient judicium justum,
& justitias quasi lumen ac-
cendent. Qui credit Deo,
attendit mandatis, & qui
confidit in illo, non mino-
rabitur. Timenti Domi-
num non occurrent mala,
sed in tentatione Deus illum
conservabit & liberabit à
malis. Sapiens non odit
mandata & justitias, & non
illidetur quasi in procella
navis. Homo sensatus cre-
dit legi Dei, & lex illi fi-
delis.

R. Justus germinabit.

Lectio III. Cap. 34. b.

Spiritus timentium Deum
quæritur, & in respe-
ctu illius benedicetur. Spes
enim

enim illorum in salvantem illos, & oculi Dei in diligentes se. Qui timet Dominum, nihil trepidabit, & non pavebit, quoniam ipse est spes ejus. Timentis Dominum beata est anima ejus. Ad quem respicit, & quis est fortitudo ejus? Oculi Domini super timentes eum, protector potentiae, firmamentum virtutis, regimen ardoris, & umbraculum meridiani, deprecatio offensionis, & adjutorium casus, exaltans animam, & illuminans oculos, dans sanitatem, & vitam, & benedictionem.

Rx. Iste cognovit.

In secundo Nocturno.

Lectio IV.

A Loyfius, Ferdinandi Gonzagæ Castellionis Stiverorum Marchionis filius, festinato propter vitæ periculum baptismo, prius cœlo quam terris nasci visus, primam illam gratiam tam constanter retinuit, ut in ea confirmatus crederetur. A primo rationis usu, quo se Deo statim obtulit, vitam duxit quotidie sanctiorem. Novennis Florentiæ ante aram beatæ virginis, quam parentis locò semper habuit, perpetuam virginita-

tem vovit, eamque insigni Dei beneficio, nulla mentis, aut corporis pugna tentatam servavit. Reliquas animi perturbationes cœpit ætate illa tam fortiter comprimere, ut ne primo quidem earum motu deinde incitaretur; sensus etiam, oculos præcipuè, ita cohibuit, ut non modò illos numquam in faciem intenderit Mariæ Austriacæ, quam plures annos inter honorarios Hispaniarum Principis ephebos ferè quotidie salutavit, sed à matris etiam vultu contineret. Homo propterea sine carne, aut Angelus in carne meritò appellatus.

Rx. Honestum fecit.

Lectio V.

A Djecit sensuum custodiæ corporis cruciatum. Tria singulis hebdomadis jejunia, eaque plerumque modico pane, & aqua tolerabat. Quamquam perpetuum fuisse per id tempus ipsius jejunium videri potest, cum ejus prandia ferme vix unciam æquarent. Sæpe etiam ter in die se funibus, aut catenis crucientabat, flagella quandoque canum loris, cilicia eorum calcaribus supplevit. Mollem lectulum clam

injectis asserum fragmentis asperabat, eò etiam, ut citius ad orandum excitaretur. Magnam quippe noctis partem, summa etiam hieme, solo tectus indusio, positus humi genibus, vel præ languore jacens, ac pronus in cœlestium contemplatione traducebat. Interdiu quoque tres, quatuor, quinque horas in ea perstabat immotus, donec animam saltem animo nusquam distracto percurrisset. Cujus constantiæ præmium fuit stabilitas mentis inter orandum, alio non vagantis, imò perpetua velut ecstasi in Deo defixæ. Ei demum ut unicè adhæreret, victo post triennale acerrimum certamen Patre, & aviti Principatus jure in fratrem translato, Societati Jesu, ad quam cœlesti voce Madriti fuërat accitus, Romæ se adjunxit.

R. Amavit eum.

Lectio VI.

IN tirocinio ipso virtutum omnium Magister haberi cœpit. Exactissima in eo erat legum etiam minimarum custodia, mundi contemptus singularis, implacabile odium sui, Dei verò amor tam ardens, ut corpus etiam sensim absumeret.

Jussus propterea mentem à divinis rebus tantisper avertere, occurrentem sibi ubique Deum irritò conatu fugiebat. Mira etiam proximos charitate amplexus, in publicis, quibus alacriter ministrabat, nosocomiis contagiosam luem traxit. Qua lentè consumptus, die, quem prædixerat, undecimo Calendas Julii, ætatis anno quarto & vigesimo jam inchoato, cum antea flagellis cædi atque humi stratus mori postulâset, migravit in cœlum. Ibi eum sancta Maria Magdalena de Pazzis tanta frui gloria Deo monstrante vidit, quantam vix esse in cœlo credidisset, ipsūque sanctimonia insignem, & charitate martyrem incognitum fuisse prædicavit. Multis etiam, magnisque claruit miraculis. Quibus ritè probatis, Benedictus XIII. Sanctorum fastis Angelicum Juvenem adscripsit, atque innocentiae & castitatis exemplar, simul & Patronum studiosæ præsertim juventuti dedit.

R. Iste homo.

In tertio Nocturno.

Lectio sancti Evangelii secundum Matthæum.

Lectio

Lectio VII. Cap. 22. v. 29.

IN illo tempore, respondens Iesus ait Sadducæis: Erratis, nescientes Scripturas, neque virtutem Dei. In resurrectione enim neque nubent, neque nubentur: sed erunt sicut Angeli Dei in cælo. Et reliqua.

Homilia sancti Joannis
Chrysostomi.

Lib. de Virginitate.

Virginitas est bona, id ego quoque fateor. Atqui nuptiis etiam melior; & istud tibi assentior, ac si libet, illud adjungam, tanto nuptiis eam præstare, quanto cælum terræ, quanto hominibus Angeli antecellunt; ac, si quid prætereâ addendum est, etiam magis. Nam si neque nubunt Angeli, neque uxorem ducunt, non etiam carne & sanguine coagmentati sunt, in terris prætereâ non commorantur, non cupiditatum, ac libidinum perturbationibus sunt obnoxii, non cibi indigent aut potus, non sunt ejusmodi, ut eos dulcis sonus, aut cantus mollis, aut præclara species possit allicere, nulla denique ejus generis illecebra capiuntur.

R. Iste est.

Lectio VIII.

AThumanum genus, cum natura beatis illis mentibus inferius sit, omni vi, studioque contendit, ut quoad ejus fieri potest, illas assequatur. Quomodo? non nubunt Angeli, at neque etiam virgo. Assistentes illi semper ad Deum, eidem inserviunt, & istud ipsum virgo. Quod si virgines, quamdiu corporis onere deprimuntur, quemadmodum Angeli in cælum nequeunt ascendere, illud eo vel maximo solatio compensant, quod, modo spiritu & corpore sancti sint, cæli Regem recipiunt. Vidésne virginitatis præstantiam, quomodo terrarum incolæ sic afficiat, ut qui corpore vestiti sunt, eos incorporeis mentibus exæquet.

R. Sint lumbi.

Lectio IX.

Qua enim, quæso, re differebant ab Angelis Elias, Eliseus, Joannes, veri hi virginitatis amatores? nulla, nisi quod mortali natura constabant. Nam cætera si quis diligenter inquirat, hi nihilominus affecti reperientur, quam beatæ illæ mentes: & id ipsum, quo inferiore conditione videntur esse, in magna est

A ;

eo-

eorum laude ponendum. Ut enim terrarum incolæ, & ii, qui essent mortali natura, possent ad illam virtutem vi & contentione pervenire, vide, quanta eos fortitudine, quanta vitæ ratione præditos fuisse oporteat.

Te Deum laudamus.

In II. Vesperis Commem. S. Pauli Episcopi.

DIE XXII. JUNII.

Secunda die infra Octavam S. Aloysii. Semi-duplex.

In primo Nocturno.

Lectiones de Scriptura occurrente.

In secundo Nocturno.

Sermo sancti Bernardi Abbat.

In Vit. S. Malach.

Lectio IV.

PARENTES Aloysio fuere genere & potentia magni. Agebat senem moribus, annis puer, expertus lasciviæ puerilis, quietus & subditus in omni mansuetudine, non impatiens magisterii, non fugitans disciplinæ, non lectionis fastidiens, non ludorum appetens. Haud segniter & in divinis exer-

cebatur petere secretum, anticipare vigilias; meditari in lege, refici parcius, orare frequentius, ubi tamen secretè id posset. Et ejus quidem pueritia sic erat. Porro adolescentiam simili transivit simplicitate & puritate, nisi quòd, crescente ætate, crescebat simul illi sapientia & gratia apud Deum & homines. Ipse rector, ipse regula fratrum. Legebant in vita ejus, quomodo conversarentur; & ipse ante illos præibat in iustitia & sanctitate coram Deo. Nisi quòd præter instituta communia multa singulariter faciebat, in quibus potiùs præibat omnes, & aliorum nemo illum poterat ad tam ardua sequi.

℟. Honestum fecit.

Lectio V.

PRIUM & maximum miraculum, quod fecit, ipse erat. Ut enim taceam interiorem hominem ejus, cujus pulchritudinem, fortitudinem, puritatem satis indicabant mores ipsius & vita: ipsum exteriorem ita uno semper modo, ipsoque modestissimo & decentissimo gessit, ut nil prorsus appareret in eo, quod posset offendere intuentes. Et quidem, qui non offendit in ver-

In festo S. Aloyij Evangelij
Sequentia S. Evangelij secundum
Mattheum

IN illo tempore respondens Jesus
ait Sadducæis: Erratis nescien-
tes Scripturas, neque virtutem
Dei: in resurrectione enim neque
nubent, neque nubentur; sed erunt
sicut Angeli Dei in cælo. De re-
surrectione autem mortuorum
non legistis quod dictum est à
Deo dicente vobis: Ego sum Deus
Abraham, & Deus Isaac & Deus
Jacob? Non est Deus mortuorū
sed viventium. Et audientes tur-
ba mirabantur in doctrina ejus,
Pharisei autem audientes quod silen-
tium imposuisset Sadducæis,
venerunt in unum; & interrogavit
eum unus ex eis legis doctor ten-
tans eum: Magister, quod ei man-
datum

datum magnum in lege? A it
illi. Iesus: Diliges Dominum De
um tuum ex toto corde tuo, & in
tota anima tua, & in tota men
te tua. Hoc est maximum, &
primum mandatum. Secundū
autem simile est huic: Diliges
proximum tuum sicut te ipsum
In his duobus mandatis uni
versa lex pendet, & Prophe
ta . . .

Oratio ut supra in num. 6

tur. Quis igitur neget hanc vitam fluxisse de cœlo, quam non facile invenimus in terris, nisi postquam Deus in hæc terreni corporis membra descendit? Tunc in utero Virgo concepit, & Verbum caro factum est, ut, quod caro factum est, caro fieret Dei: tunc toto orbe diffusus corporibus humanis vitæ cœlestis usus inolevit. Hæc est cœlestis illa militia, quam laudantium exercitus Angelorum promittebat in terris.

R. Iste est.

LECTIO VIII.

CASTITAS Angelos fecit: qui eam fervavit, Angelus est, qui perdidit, diabolus. Nam de resurrectione quid dicam, cujus præmia jam tenetis? In resurrectione autem neque nubent, neque nubentur; sed erunt sicut Angeli, inquit, in cœlo. Quod nobis promittitur, nobis præstod est, votorumque nostrorum usus apud vos est. De hoc mundo estis, & non estis in hoc mundo: sæculum vos habere meruit, tenere non potuit. Quàm præclarum autem, Angelos propter intemperantiam suam in sæculum cecidisse de cœlo: Vir-

gines propter castimoniam in cœlam transiisse de sæculo? Beati Virgines, quos non illecebra sollicitat corporum, non colluvio præcipitat voluptatum. Cibus parsimonix, potus abstinentix, docet vitia nescire, qui docet causas nescire vitiorum.

R. Sint lumbi vestri.

LECTIO IX. de Vigil. SS. Petri & Pauli, cum Comm. in Land.

DOMINICA PROXIMA.

post Octavam BB. Apostolorum Petri & Pauli.

In festo B. Joannis de Dukla sexto P. R. P. ac M. D. L. Duplex I. Class. cum Oct. in Regno Polonia ac magno Ducatu Lithuaniæ.

Omnia de Comm. Conf. non Pont. præter ea, quæ sequuntur.

Oratio.

DEUS, qui beatum Joannem confessorem tuum eximix humilitatis ac patientiæ donis decorasti; concede propitius, ut ejusdem imitantes exempla,

consequamur & præmia.
Per Dominum nostrum.

In primo Nocturno.

*LECTIO de Comm. Conf. non
Pont. Beatus vir &c.*

In secundo Nocturno.

LECTIO IV.

JOannes in oppido Dukla
Poloniæ Regni, hone-
stis parentibus natus, ab in-
fantia futuræ sanctimonix,
non obscura præbuit indi-
cia; Divinâ liquidem be-
nedictione præventus, nihil
ab uberibus matris suæ in
ore frequentius, quàm sa-
cro sancta JESU & Mariæ
Nomina, habere consuevit.
Christianæ perfectionis de-
sideriò incensus, adhuc a-
dolescens, regulam S. Pa-
tris Francisci, apud Mino-
res Conventuales professus
est, eo successu, ut una
cum ætate creverit etiam in
eo eminentiorum virtutum
exercitatio, & ob singula-
rem humilitatem, gravita-
tem morum, & effusam in
omnes charitatem, Fratri-
bus evaserit acceptissimus.
Ad Religionis munia inven-
tus maximè idoneus, pluri-
bus Cænobiis ex obedientia
præfuit, & Leopoltanam
custodiam, summa cum
laude administravit.

R. Honestum &c.

LECTIO V.

A Sancto Joanne à Capi-
strano per Casimirum
Regem sub id temporis in
Poloniam evocato, Fratri-
bus Minorum de observan-
tia adscriptus, præconcep-
tam sui expectationem ab-
undè cumulavit. Nam ora-
tioni & cœlestium rerum
contemplationi acrius insi-
stere, erga Fratres ac pro-
ximos, nullum charitatis
officium prætermittere, in
deliciis habuit. Regularis
observantiæ adeo zelator
extitit, ut non sine lachry-
mis, vel minimam negligi
sanctæ institutionis partem
adverteret, eoque vel undè
libellò ditissimus, illum ferè
quotidie, aut ipse per se le-
geret, aut ab alio sibi per-
legi oblectaretur. Nihil
illo tolerantius in laboribus,
in vigiliis, & voluntaria
corporis afflictatione, nihil
continentius in victu, & ve-
stitu tuit. Beatam Virgi-
nem Mariam singulari profe-
quebatur devotionis affe-
ctu. Ad hæc mirificam
dissidentes componendi gra-
tiam, insignem castitatem &
alacrem addidit obedi-
tiam.

R. Amavit &c.

Lectio VI.

PRædicationis vim & efficaciam ad profectum attulit animarum, maximè in Ruthenis Schismaticis & Armenis confutandis, quos ad catholicæ fidei unionem revocare omni ope satagit. A cælestis vitæ tramite aberrantes, quamvis ex diutino morbo captus oculis, quâ concionibus, quâ sacris confessionibus audiendis, in rectam viam reducere nunquam destitit. Venum septuagenarius, gravium infirmitatum doloribus, eximiâ patientiâ toleratis, munitus Ecclesiæ Sacramentis, & Psalmis pœnitentialibus recitatis, Leopoli ipso die festo S. Michaëlis Archangelii, obdormivit in Domino, annò millesimò, quadringentesimò quartò. Ejus vitæ atque obitûs sanctimonia, & miraculorum fama apud Polonos præsertim, & Litthuanos magno semper in honore fuit. Quare summus Pontifex Clemens XII. beati Joannis cultum ratum habuit, ipsûmque à Polonis & Litthuanis inter primarios Patronos allectum, ampliori veneratione coli in posterum Apostolicâ benignitate concessit.

R. Iste homo &c.

In tertio Nocturno.

Lectio S. Evangelii secundum Lucam.

Lectio VII. Cap. 12.

IN illo tempore: Dixit Jesus discipulis suis; Nolite timere pusillus grex.

Et reliqua.

De Homilia S. Petri Christiologi Episcopi.

Hodie Dominus Evangelici gregis pusilla, & tenera primordia, quam blanda exhortatione fit consolatus, audistis. Nolite timere, inquit, pusillus grex, quia complacuit Patri vestro dare vobis Regnum. Aufert spes anxias, dubias tollit eventus, omnemque propellit & excludit timorem, quando in exordio ipsum Regnum nascentibus pollicetur, quoniam complacuit Patri vestro dare vobis Regnum. Quis de fructu, quis de vestitu, quis de plebejo censu & vernalis cæspitis vilitate suspirat? De Regno certus, de dominatione securus, satis sibi invidet, qui elevatus ad summa, se ad humilia dejecit, ad egena deponit.

R. Ecce homo &c.

Le-

Lectio VIII.

Sed scire cōvenit Pater iste, quis est? vel qualis est? vel quod Regnum filiis suis repromittit? Quis sit iste Pater, quotidie te confidente cognoscis, cūm clamas; Pater noster, qui es in cœlis; qualis autem sit, ipsa operum magnitudine pervidisti, ex nihilo fecit cœlum, terram solidavit ex liquido, montes statuit ad stateram, maria inter legitimos terminos, sola præcepti auctoritate conclusit. Verū si Regni, quod promittit, pusillis, desideras noscere qualitatem, ipse aperit, sic dicendo; Sinite parvulos venire ad me, talium est enim Regnum cœlorum.

Ÿ. Sint lumbi &c.

Lectio IX.

Esse in cœlo mirum est, in cœlo vivere est majestatis, jam regnare in cœlo, quanti sit, sensus desinit æstimare mortalīs, & tamen homo, quod æstimare non potes, percepisti; Apostolo sic dicente; Quod oculus non vidit, nec auris audivit, nec in cor hominis ascendit, quæ præparavit DEUS diligentibus se. Et quod te mereri dubitas, habere te, & possidere jam cogeris confiteri. Quid

ergo cum terra illi qui possidet cœlum? quid illi cum humanis, qui jam adeptus est divina? nisi fortè placeant gemitus, eliguntur labores, amantur pericula, pessima mors delectat; & illata mala boni sunt gratiora collatis.

Te Deum laudamus.

DIE IX. JULII.

In festo BB. Martyrum Gorcomiensium. Duplex.

Omnia de Communi pluviorum Martyrum, præter sequentia.

Oratio.

DEus, qui beatorum Martyrum tuorum Nicolai & sociorum ejus, gloriosum pro fide tua certamen, æternitatis laurea decorasti, concede propitius, ut eorum meritis & imitatione certantes in terris, cum ipsis coronari mereamur in cœlis. Per Dominum.

In primo Nocturno.

Lectioes de Scriptura occurrente.

In secundo Nocturno.

Lectio IV.

SÆculum decimum quintum Calvinianæ pravitatis tumultibus memorabile, in-

insigne Christianæ fortitudinis in Belgio tulit exemplum. Anno secundo novemdecim Martyres vulgò Gorcomienses in cruciatibus sustinendis pro asserenda reali Corporis Christi in Eucharistia præsentia, ac Romani Pontificis visibilis Ecclesiæ Capitis principatu singulariter enituerunt. Erant ii Nicolaus Pickius Guardianus, cum aliis octo Sacerdotibus, & duobus Laicis Ordinis Fratrum Minorum de observantia, tres Parochi, unus Sacerdos sæcularis, alter Canonicus Regularis sancti Augustini, Dominicanus unus, & bini Præmonstratenses, quos omnes post arcis Gorcomiensis deditionem fœdifragi hæretici carceribus, contumeliis, durissimisque tormentis, pro suo in orthodoxam fidem exasperato genio affecerunt. Ac prima nocte in Guardianum atrocius debacchantes, fûne cinctoriò de superliminari suspensum, crebrisque attractibus convulsam, rupto tandem fune pavimento illisum mortis explorandæ causa, candelis ardentibus admotis, crematâque tota facie, & ore vi deducto, linguam & palatum comburunt, quia etiam insertam

naribus flammam in cerebrum submittunt. Atque his aliisque modis indignis Martyres diebus, noctibusque subsequenter continuò divexabantur.

R. Sancti tui.

Lectio V.

Navigio dein extractis vestibus bini colligati, Dordracum primò, Brilam postea vehuntur, innumerus utrinque petulantis plebis illusionibus & insanientis militiæ furoribus contusi: dumque subsannationes, flagra & fustes depluerent, stabant senes (quorum aliqui sexagesimum, aliqui septuagesimum, annum excefferunt, unus nonagesimum propè attigerat) ad pectus usque nudati, collo strigoso præ macie, tum è plagis livido atque cruento & ad singula verbera pro inimicis preces, vel Deo grates, vel agonis sui commendationes, spectante & insultante multitudine, rependebant. Inde in fœtissimum carcerem conjecti, fame & siti, aliisque tormentis tentati, ut à Catholica fide recederent, postmodum blanditiis allekti, nec minis nec lenociniis invictam Martyrum fortitudinem flexerunt; quare capi-

tis

et sententia, multa jam nocte a tyranno lata, damna-
ti, durissimis cruciatibus
affecti, bini colligati, ex-
tra oppidi portas abducun-
tur.

R. Verbera carnificum

Lectio VI.

Repertum tugurium fuit
illis ultimi certaminis
stadium; alius itaque alium
ad constantem martyrii to-
lerantiam extimulabat,
quorum antesignanus Guar-
dianus ad supplicium raptus,
fratres suos amplexus & of-
culatus ab exhortandis so-
ciis, verbis Apostolico fer-
vore plenis non destitit, do-
nec ei adstrictis faucibus vo-
cis usum laqueus intercepisset.
Post eum reliqui sub-
sequenter in trabem agun-
tur. Non quievit hic hære-
ticæ feritatis barbaries:
nam scrutatis intimis visce-
ribus, perquisitæque ab-
domine, pretio venali ex-
ponendo, Martyrum cor-
pora naribus, auribus, a-
liisque partibus mutilârunt,
quas in consummata crudeli-
tatis exuvias pileis affixas
infami ludibrio circumtule-
runt, totaque dies explen-
dæ adventantium curiositati
fuit data, donec quidam
Catholici impetrârunt cor-
pora suffossæ ibidem humi

mandari. Ubi inter me-
dios Ecclesiæ hostes multis
annis requieverunt, usque
dum industria piorum eruta
sacra eorum ossa ad partes
Catholicorum vicinas dela-
ta sunt, ubi mox miraculis
clarescere cœperunt. Qui-
bus permotus Papa Clemens
decimus eos Beatorum fastis
adscripsit, ac Officium de
iis nona Julii quotannis in
Hollandia, & ab Ordini-
bus Religiosis, quos suo
martyrio decorârunt cele-
brari concessit.

R. Tamquam aurum,

In tertio Nocturno.

Homilia in Evangel. Cùm
audieritis prælia.

R. VIII. Hæc est vera
fraternitas.

DIE XIII. JULII.

In festo S. Margaritæ Vir-
ginis & Martyris. P. R. P.

Duplex majus.

Omnia de Communi Vir-
ginum, Oratio. Indulgen-
tiam.

In primo Nocturno, Lectio-
nes. Confitebor tibi Domi-
ne Rex.

In secundo Nocturno.

Lectio

Lectio IV.

BEata Margarita ex Antiochia Pisidiæ oriunda, filia fuit Edefii, qui fuit illis temporibus vel maxime insignis sacerdos idolorum. Cujus eximia pulchritudine cum captus esset Olibrius præses Orientis, ita ut eam uxorem ducere haberet in animo, deprehenso quòd Christiana esset, & nullo modo ejus in Christum fidei rationem posset flectere, aut emolire blanditiis, variis deinde tormentis eam est aggressus.

R. Propter veritatem.

Lectio V.

ITaque virgo sancta humi extensa, primò virgis immisericorditer cæsa est: deinde: cum ira, ebullisset Olibrius, ferreis etiam laminis conclusa, & clavis affixa, ferreis laniata est fuscini, ac sic in carcerem ducta. Ubi, ipsa orante, repètéque magno terræ motu excitato, diabolum suscepta forma terribilis draconis eam circumcursantis signo crucis superavit, ac simul de cælo à plagis omnino fuit curata.

R. Dilexisti.

Pater Æstivalis.

Lectio VI.

SEquenti die impius Præses ad se vocatæ, & in sententia persistenti jubet, ut nudatæ lampadibus pectus uratur & latera, ac deinde de ligno deposita, in magnum leberem aqua plenum victa conjiciatur, ac sic suffocetur. Unde cum nihilominus salva evasisset, cum ea, quæ explicari non potest, exultatione laudans Trinitatem, tandem ab impio Olibrio pronuntiata in eam capitis sententia, pulchrè decertationis suæ cursum peregit.

R. Afferentur Regi.

In tertio Nocturno.

Homilia in Evangelium. Simile est regnum cælorum thesauro. de Communi non Virginum.

DIE XV. JULII.

In festo Divisionis SS. Apostolorum. Duplex major.

Omnia de Communi Apostolorum, præter ea, quæ sequuntur.

Ad Magnificat, Antiphona.

Euntes in mundum universum prædicate Evangelium.

B

lium

lium omni creaturæ, Alleluja; qui crediderit & baptizatus fuerit, salvus erit, Alleluja; qui autem non crediderit, condemnabitur, Alleluja.

Oratio.

DEus, qui Ecclesiam tuam distributam per orbem terrarum sanctorum Apostolorum prædicatione fundasti, concede propitius, ut quorum hodierna die sub una celebritate recolimus insignia, eorum in cunctis necessitatibus nostris experiamur suffragia. Per Dominum.

In primo Nocturno,

Lectioes.

Sic nos existimet homo.

In secundo Nocturno.

Sermo S. Joannis Chrysostomi.

Serm. I. de Pentec.

Lectio IV.

QUæ sunt tales stellæ sicut Apostoli? Stellæ in cælo Apostoli super cælos. Quæ sursum sunt, inquit Apostolus, sapite, ubi Christus in dextera Patris sedens. Stellæ de igne insensibili: Apostoli de igne intelligibili. Stellæ in nocte lucent, in die obscuran-

tur: Apostoli in die & in nocte suis radiis, hoc est virtutibus, effulgent. Stellæ orto sole obscurantur: Apostoli sole justitiæ resplendente, sua claritate luceant. Stellæ in resurrectione cadent sicut folia: Apostoli in resurrectione rapiuntur in aëra nubibus. Et in illis quidem sideribus alius Antifer, alius Lucifer appellatur: in Apostolis autem nullus Antifer est, omnes Luciferi: & quicumque eos luminaria vocaverit mundi, non peccabit: non solum dum essent in corpore, sed etiam magis nunc, quando de hac vita migraverunt.

R. Vidi conjunctos.

Lectio V.

PERAGRÂRUNT piscatores orbem terrarum, & infirmum eum inveniunt, ad sanitatem reduxerunt, & in ruina positum ad stabilitatem revocaverunt, non scuta moventes, non arcus tendentes, non sagittas mittentes, non pecunias largientes, non eloquentiæ confidentes. Et erant nudi quidem sæculo, sed induti Christum: Pauperes, sed divites; pecunia indigentes, sed regnum cælorum possidentes. Non habentes hu-

mana solatia, habentes autem Dominum suum. Ego enim, inquit vobiscum sum omnibus diebus usque ad consummationem sæculi. Peragrârunt universum orbem terrarum oves simul cum lupis: Quis vidit? quis audivit? dicit: Mittam vos ut oves in medio luporum. Quis unquam pastor oves mittit in medio luporum? sed magis, si viderit lupos, congregat oves. At verò Christus è contrario fecit: oves ad lupos direxit, & vulneratæ à bestiis non sunt, sed magis lupi, ad ovium mansuetudinem sunt conversi.

Rx. Beati estis.

Lectio VI.

UBi sunt nunc, qui audent Ecclesiæ contrariere? Quando novella erat, in nullo potuit lædi: & nunc quando usque ad cælum pervenit, existimas eam posse superari? Et tunc quidem cùm undecim essent Apostoli, nullus eos superare potuit, sed pauci homines totum ceperunt mundum: & nunc quando terra, & mare, & orbis terrarum, & inhabitabiles regiones, & civitates, & omnes fines terræ pietate repleti sunt, putas eam te posse lædere?

sed non poteris. Christus enim propter eam passus est, portæ inferi non prævalerunt adversus eam. Facilius cælum exterminari potest, & terra perire, quàm aliquid mali pati Ecclesia.

Rx. Isti sunt triumphatores.

In tertio Nocturno.

Lectio sancti Evangelii secundum Lucam.

Lectio VII. Cap. 9.

In illo tempore: convocatis Jesus duodecim Apostolis dedit illis virtutem & potestatem super omnia dæmonia, & ut languores curarent: Et reliqua.

Homilia venerabilis Bedæ Presbyteri.

Benignus & clemens Dominus ac Magister non invidet servis atque discipulis virtutes suas. Et sicut ipse curaverat omnem languorem, & omnem infirmitatem, Apostolis quoque suis tribuit potestatem, ut curent omnem infirmitatem, omnemque languorem. Sed multa distantia est inter habere & tribuere, donare & accipere. Iste quodcumque agit, potestate Domini agit; illi si quid faciunt, imbecillitatem su-

am & virtutem Domini
constentur, dicentes: In
nomine JESU surge & am-
bula.

R. Isti sunt.

Lectio VIII.

ET misit illos prædicare
regnum Dei, & sanare
infirmos: Fortasse enim
nemo crederet hominibus
illiteratis, promittentibus
regna cælorum; idè con-
cessit illis primùm potesta-
tem signorum & tunc mi-
sit prædicare regnum Dei,
ut promissorum magnitudi-
nem attestaretur etiam
magnitudo factorum, fi-
dèmq; daret verbis virtus
ostensa, & nova facerent,
qui nova prædicarent.

R. Ite in orbem univer-
sum, & prædicate dicen-
tes: * Qui crediderit &
baptizatus fuerit, salvus
erit.

℣. Euntes in mundum u-
niversum. prædicate Evan-
gelium omni creaturæ. Qui
crediderit. Gloria Patri.
Qui crediderit.

Lectio IX.

VERùm signa, quæ tunc
per Apostolos corpo-
raliter fiebant, quotidie in
sancta Ecclesia per sanctos
prædicatores spiritualiter

fiunt. Cùm in fide quis in-
firmus, eorum prædicatio-
ne roboratur ad fidem; cùm
mortuus quis in peccatis,
gratia & misericordia Dei
compunctus, per eorum e-
ruditionem resuscitatur ad
pœnitentiam & confessio-
nem peccatorum suorum,
dignaque emendatione vi-
tam merebitur, semper-
nam.

Te Deum laudamus.

Ad Benedictus, Antiphona.

Convocatis JESUS duode-
cim Apostolis, dedit illis
virtutem & potestatem su-
per omnia dæmonia, & ut
languores curarent.

*In secundis Vesperis ad Ma-
gnificat, Antiphona.*

Egressi duodecim Apo-
stoli circuibant per castella,
evangelizantes & prædi-
cantes ubique.

DIE XVI. JULII.

*In festo S. Mariæ de monte
Carmelo.*

Antiph. In primis Vesperis.

Sancta Maria succurre mi-
seris &c.

DIE XVI. JULII.

In festo SS. Eremitarum Andree & Benedicti Martyrum.

Duplex in Archidiacesi Gnerrensi.

Omnia de Communi plurimorum præter ea, quæ sequuntur,

Oratio. Deus, qui nos concedis, ut in Communi.

In primo Nocturno.

Lectioes de Scriptura occurrente.

In secundo Nocturno.

Lectio IV.

SANCTUS Andreas Suidas, quem alii Zoëradum nominant, ex Polonia provincia ortus, Christiana religione tum primùm in Polonia & Hungaria florente, vitam monasticam in cænobio Zohor dicto, apud Nitriam civitatem, sub Philippo Abbate professus est: in ea videlicet Slavorum & Hungarorum regione, quæ Moraviæ, Danubiôque confinis, Sarmatia Pannoniæ olim dicta fuit. Mira illius viri abstinentia, carnisque mortificatio prædicatur, ut præter triduanam frequentem inediam, Quadragesimam quoque so-

lis quadraginta nuci-
bus contentus transigeret: nihilominus tamen interdum operaretur, noctu verò vix quidquam quietis caperet. Sedenti enim juxta spineam sepem somnus erat, lumbis catena occulta ærea præcinctis.

R. Sancti tui.

Lectio V.

ANDREÆ in hujusmodi exercitiis defuncto, Benedictus ejus discipulus, gentis itidem Poloniæ, successit, magistrisque mores & vitam imitatus, ætatis supervixit. A latronibus denique spe inveniendæ pecuniæ trucidatus, & in flumen proximum Vagum nomine projectus est. Ubi corpus ejus demersum, anno toto sub aquis delituit: tandem aquilæ, locum quotidie observantis, indicio inventum est integrum & incorruptum, in templôque sancti Emerani corpori magistri sui appositum.

R. Verbera carnificum.

Lectio VI. de Communi.

DIE XVIII. JULII.

In festo beati Simonis de Lipnica Confessoris. Duplex.

Omnia de Communi Confessoris non Pont.

Oratio.

Concede, quæsumus omnipotens & misericors Deus, ut beati Simonis Confessoris tui præclara merita nobis proficiant, & tua gratia, quam precamur, nos dignos efficiant, in qua firmati, tuæ gloriæ simus annumerati. Per Dominum nostrum &c.

In primo Nocturno.

Lectioes de Scriptura occurrente.

Nona Lectio de S. Symphorosa &c. MM. ex tribus fiat una, cum Commem. in Laud.
Ch. I. Resp.

DIE XX. JULII.

In festo beati Ceslai Confessoris. Duplex.

Omnia de Communi Confessoris non Pontificis præter ea, quæ sequuntur.

Oratio.

Deus, qui beatum Ceslaum virgineo morum candore præditum & salutis animarum zelo succensum, in diversis Nationum populis operum sanctitate & fidei propagatione mirabilem effecisti: præsta quæsumus, ut ejus intercessione simus

semper in fide stabiles, & ad te, qui solus es æternæ salutis author, ac largitor, misericordiæ tuæ munere pervenire valeamus. Per Dominum.

In primo Nocturno.

Lectioes de Scriptura occurrente.

In secundo Nocturno.

Lectio IV.

Beatus Ceslaus sancti Hyacinthi germanus frater è nobilissima Odrovanziorum prosapia in provincia Oppoliensi Diocesis Wratislaviensis ortus est. Ab ipso ineuntis ætatis principio, plurima futura sanctitatis indicia & Christianarum virtutum specimina prodidit. Ingenua, qua pollebat, indoles, eximius morum candor, ac pietas illum omnibus non minùs amabilem quàm admirabilem reddiderunt. Humanioribus litteris apprimè in pueritia excultus, in Italiam, cùm jam adolevisset, ab Ivone Episcopo Cracoviensi Patrono suo missus est, ut ibi Theologiæ & Jurisprudentiæ operam navaret. Post emensum in Italia studiorum curriculum Cracoviam reversus, & ab eodem

Ivone Canonicus & Custos Sandomiriæ in Ecclesia S. Mariæ factus, nihil secundum Deum, prius & antiquius habuit, quam ut vitam non tantum à criminebus, sed etiam à suspitione criminum, undequaque puram & inculpatam duceret, quo aliis præiret exemplo, omnesque Christianas in se exprimeret virtutes, quarum amorem cordibus omnium inferere summo opere exoptabat.

Rx. Honestum.

Lectio V.

Dum autem omnibus perfecti Canonici officiis jungi sollicitudine fungeretur, contigit, ut Ivo Episcopus Romam profecturus, eum sibi itineris comitem adsciverit, Romam appulsus Ceslaus, fama sanctimonie & miraculorum viri Dei Dominici Ordinis Prædicatorum Fundatoris audita, nil cunctatus, impulsu Spiritus sancti mundo nuntium remisit, & ab eodem sanctissimo Patriarcha Habitum Religionis suscepit; in qua tamquam in fertili agro, viri doctrinæ magnitudine, & vitæ sanctitate præstantes, nunquam alii ex aliis continenter propagari & profemina-

ri desierunt. In ordinem Prædicatorum cooptatus, ita sub disciplina sancti Patris Dominici profecit, ut tamquam exemplum continentie, frugalitatis & obedientie omnibus proponeretur. In vigiliis, jejuniis, carnis maceratione, orationibus, aliisque id genus legum sui Ordinis observationibus ita assidue erat exercitatus, ut verus, & omnibus suis numeris absolutus, beatissimi Patris Dominici filius videretur.

Rx. Amavit.

Lectio VI.

Post exactum tirocinium zelo flagrans salutis animarum à sancto Patriarcha obnixè postulavit, ut ad oras Septentrionales, quas in tenebris & in umbra mortis detinebat infidelitatis error & ignorantia, mitteretur. Voti compos factus primùm Pragæ Bohemorum metropolim se contulit, ibique cum uberrimo animarum lucro verbum Dei prædicavit, & totam illam urbem in sui admirationem rapuit. Dein totam Silesiam prædicationis causa pedibus circumcursans, relicto ubique suavissima virtutum odore errantes veritatem edocuit, carnales

Festa Julii.

31
affectus dissipavit, peccatores ad pœnitentiam pellexit, frigida hominum pectora divino amore inflammavit, copiosumque fructum in horrea Domini, ad cujus gloriam jugiter & unice anhelabat, convexit. Dum Tartari Poloniam & Silesiam ferro flammâque devastarent, piè creditum est, Ceslaum, qui sæviens hostium furore in Castrum Wratislaviense unâ cum aliis Christi fidelibus confugerat, precibus suis, ac lachrymis ad Deum effusus, hanc urbem defendisse. Tandem plenus meritis obiit Wratislaviæ in monasterio sui Ordinis anno millesimo ducentesimo quadragesimo secundo. Ad ejus sepulchrum populus venerationis ergo certatim confluere, eique cœpit exhibere cultum, quem in sacra Rituum Congregatione maturo examine perpensum, Clemens undecimus Pontifex maximus approbavit, & universo Prædicatorum Ordini concessit, ut Officium de beato Ceslao celebraret. Quod Clemens Papa duodecimus ad Regnum Poloniæ & Provincias annexas extendit.

R. Iste homo.

In tertio Nocturno.

Homilia in Evangelium.
Designavit Dominus. *ut in Communi Evangelistarum, cum R. de Confess. non Pontif.*

DIE XXIV. JULII.

In festo sanctæ Christinae Virginis & Martyris.
Duplex.

Omnia de Communi Virginum, præter ea, quæ sequuntur.

Oratio. Indulgentiam.

In primo Nocturno.

Lectiones de Scriptura occurrente.

In secundo Nocturno.

Lectio IV.

CHRISTINA nobilissimis orta parentibus in Tyro Italiæ à Patre in quadam turri cum duodecim pedisequis collocata, Deos argenteos & aureos secum habens, & cum pulcherrima esset, à multis in conjugium petebatur: parentes verò ejus matrimonio tradere nolebant, volentes eam in Deorum cultura permanere. Illa verò à Spiritu sancto do-

Quæ, parentum sacrificia abhorrebat, & incensa Diis immolanda in fenestra abscondebatur. Venienti autem patri ejus pedissequæ dixerunt: Filia tua, Domina nostra, Diis immolare contemnit, & Christianam se esse asserit. Mater autem ei blandiens, ad Deorum culturam provocabat, cui illa ait: Noli me vocare filiam tuam: sed ejus, quem decet sacrificium laudis: non enim Diis mortalibus, sed Deo cœli, offero sacrificia. Cui pater: Filia, non tui tantum Deo sacrificium offeras, ne tibi alii irascantur. Cui illa: Bene locutus es nesciens veritatem. Offero enim Deo Patri, & Filio, & Spiritui sancto. Cui Pater: Si tres adoras: cur etiam & alios non adoras? Cui illa. Tres isti unum sunt.

82. Propter veritatem.

Lectio V.

POST hæc Christina Deos confregit, & aurum ac argentum pauperibus erogavit. Rediens pater voluit Deos adorare, sed eos non inveniens, & ab ancillis, quid eis Christina fecerit, audiens iratus jussit eam expoliari, & à duodecim viris cædi, adeo, ut

illi verberando defecerint. Tunc Christina patri dixit: Sine honore & abominabilis Deo: ecce, qui me cadunt, deficiunt, pete eis, si vales, ex Diis tuis virtutem. Tum catenatam eam in carcerem misit. Audiens hæc mater, scidit vestimenta sua, & ad carcerem currens pedibus filię suæ prosternit se, dicens: Filia mea, lumen oculorum meorum miserere mihi. Cui illa: Quid me dicis filiam tuam? nescis quia nomen Dei mei habeo? Cumque nihil persuadere posset, ad virum rediit, & quid sibi responderit, prædicavit. Tunc pater jussit eam ad se duci, & dixit ei: Sacrifica Diis, si autem non sacrificaveris, multis afficeris tormentis, & filia mea non vocaberis. Cui illa: Magnam gratiam mihi præstitisti, quia jam me non vocas filiam diaboli. Tunc jussit carnes ungulis radi. Illa verò de carnibus suis accipiens in vultum patris projecit, dicens: Tyranne, carnem à te genitam comedere.

82. Dilexisti.

Lectio VI.

Tunc pater jussit eam poni in rotam & ignem

B S

cum

cum oleo succendi: sed flamma exiliens mille & quingentos interecit. Pater autem hæc omnia magicis artibus adscribens, ipsam iterum in carcerem misit. Et illa nocte iussit pueros duos, ut lapidem alligarent ad collum ejus molarem, & eam in mare projicerent. Quod cum fecissent, protinus Angeli eam assumunt. Christus vero eam in mari baptizavit, dicens: Baptizo te in Deo Patre meo, & in me Jesu Christo Filio ejus, & in Spiritu sancto, & commisit eam Michaëli Archangelo, qui eam ad terram reduxit. Quod Pater audiens, & frontem suam percutiens dixit: Quibus maleficiis hæc facis? Cui illa: Stulte & infelix, à Christo hanc gratiam accepi. Iterum in carcerem eam misit, jubens ut mane decollaretur. In ipsa nocte pater ejus Urbanus non ine mortuus est. Huic Dion Judex iniquus successit, qui urnam ferream succensam cum oleo, & cera & pice parari iussit, & gloriosam Christinam ibidem jactari, & à quatuor viris agitari, ut citius consumeretur. Tunc Christina Deum laudat, quod eam nuper

renatam ut infantulam in cunabulis agitari volebat.

R. Afferentur.

In tertio Nocturno.

Homilia in Evangelium.
Simile est regnum cœlorum thesauro.

DOMINICA PROXIMA

post

DIEM XXIV. JULII.

*In festo S. Cune Gundis Virg.
P. R. P. Duplex I. Classis
cum Octava.*

Omnia de Communi Virginum, præter ea, quæ sequuntur.

Oratio.

DEus, qui beatam Cune Gundem dulcedinis tuæ benedictionibus prævenisti, ac virginem etiam in conjugio conservasti, præsta quæsumus; ut ipsa intercedente, per vitæ puritatem tibi jugiter adherere, & per ejus vestigia gradientes ad te pervenire feliciter mereamur. Per Dominum.

In primo Nocturno.

*Lectiones. De Virginibus.
ut in Communi.*

In

In secundo Nocturno.

Lectio IV.

CUnegundis Hungariæ Rege Bela, & Maria Alexii Græcorum Imperatoris filia parentibus genita, SS. Uladislai, Hedwigis, Salomeæ, Elisabeth, & Ludovici, non minùs illustrium virtutum, quàm regii sanguinis cōgnatione præfulsit. Cùm adhuc in utero gestaretur, clara voce cœlitùs emissa, mater didicit se prolem eximie sanctitatis parituram. Vix autem in lucem edita, linguam in verba mirabiliter solvit, quibus beatam Virginem Cœlorum Reginam salutavit. Tum veluti infantie impedimenta nesciret, admiranda præbuit futuræ sanctitatis argumenta; nam quartis, & sextis quibusque feriis semel tantùm lac sugebat: cùmque inter nutricis ulnas Missæ Sacrificio interesset, sanctissima Jesu, & Mariæ nomina, cùm proferrentur, demisso capite venerabatur, oculisque in cœlum intentis, tota in sacrorum mysteriorum contemplationem defixa videbatur.

Rx. Propter veritatem.

Lectio V.

Pueritiam jugi divinarum rerum meditationis, ac jejuniis addicta, fundendis precibus, elemosynis erogandis, aliisque piis operibus transegit; custodiendæ autem virginitatis studium tunc maximè probavit, cùm proposito conjugio diu obluctata, sed parentibus tandem morem gerere coacta, & Boleslao Poloniæ Duci in matrimonium tradita, prima nuptiarum nocte suasionibus, precibusque impetravit, ut sibi virginitatem colere liceret, deinde verò tanto illum puritatis amore inflammavit, ut pari consensu cum intacta conjugē, castitatem emissō voto servandam perpetuò statuerit, quo pudici cognomentum adeptus est. Polonico autem regno tam virtutum exemplis mirificè consuluit, quàm impetratis à Deo beneficiis, inter quæ illud præcipuè celebratur, quòd salisfodi nam, unde opulentissimi redditus regno proveniunt, mirabiliter obtinuerit.

Rx. Dillexisti justitiam.

Lectio VI.

Mortuo Boleslao Poloniæ regimen constantissimè

issimè recusavit, curisque omnibus exuta, & facultatibus in pauperes distributis, Ordinem sanctæ Clara in Monasterio Sandecensi, quod ipsa condiderat, professa est. Ibi cum aquarum inopia sorores laborarent flumini haud procul decurrenti impetravit, ut alveo diverteret, & cursum, quem bacillo aquis designaverat, per acclivia licèt loca teneret, Deoque famulæ suæ precibus annuente, Monasterii necessitatibus insigni miraculo provisum est. Cum autem in eodem Monasterio annos tredecim sanctissimè vississet maximis virtutibus, signisque, ac prophetiæ dono illustris, præcognita mortis hora placidissimè quievit in Domino, die vigesima quarta Julii, anno salutis ducentesimo nonagesimo secundo supra millesimum; ejus anima niveo amictu ornata inter Angelorum choros cœlum conscendere visa est. ejusque immortalē gloriam innumera deinde miracula comprobârunt; nam captivi libertatem, cœci visum, ægri plurimi sanitatem à morbis gravissimis, ipsa intercedente, recuperârunt, ac mortui plerique in vitam sunt revo-

cati. Itaque antiquissimum cultum, quo per universam Poloniam celebrabatur, Alexander Papa VIII approbavit, & Clemens Papâ XI. eandem in primariam ejusdem Regni, & magni Ducatus Litthuanix Patronam ritè electam confirmavit.

R. Afferentur.

In tertio Nocturno.

Homilia in Evangel. Simile erit regnum cœlorum decem Virginibus.

DIE INFRA OCTAVAM

*Sancta Canegundis. Simi-
duplex.*

In primo Nocturno.

Lectioes de Scriptura occurrente.

In secundo Nocturno.

Sermo sancti Ambrosii Episcopi.

Quoniam hodie natalis.
ut in Communi Virg.

In tertio Nocturno.

Lectio sancti Evangelii secundum Matthæum.

Lectio VII. Cap. 25.

In illo tempore: Dixit Jesus discipulis suis parabolam hanc: Simile erit regnum cœlo-

dixit Dominus, ita est. Quomodo intelligis. Non est ita? Est autem, quomodo intelligere debeas! ecce advertite. Circa multa es occupata, quando unum est necessarium. Maria meliorem partem elegit. Non tu malam sed illa meliorem, sed unde meliorem? Quia tu circa multa illa circa unum. Præponitur multis unum: non enim à multis unum, sed multa ab uno.

R. Beata es virgo.

Lectio IX.

Multa sunt, quæ facta sunt, unus est, qui fecit coelum & terram, mare & omnia, quæ in eis sunt, quam multa sunt, quis ista enumeret, quis horum multitudinem cogitet? quis hæc fecit? Deus omnia, ecce bona valde. Bona valde quæ fecit, quanto melior ille qui fecit: Attendamus igitur occupationes nostras circa multa, necessarium est ministerium corpora refecturis, quare hoc? quia esurit, misericordia miseris necessaria est; frangis panem esurienti, quia invenisti esurentem. Tolle famem, cui frangis panem? tolle peregrinationem, cui exhibes hospitalitatem? tolle nuditatem, cui præstas ve-

stem? non sit ægritudo, quem visitas? non sit captivitas, quem redimis? non sit rixa, quem concordas? non sit mors, quem sepelis? In illo sæculo futuro non erunt ista mala: ergo nec ista ministeria.

Te Deum laudamus.

DIE XVI. AUGUSTI.

In festo sancti Rochi Confessoris P. R. P. Duplex.

Oratio.

Deus, qui es gloriosus in gloria Sanctorum, qui cunctis ad eorum patrocinia confugientibus suæ petitionis salutarem præstas effectum; concede plebi tuæ, ut intercedente beato Rocho Confessore tuo, quæ in ejus commemoratione se devotam exhibet, à languore epidemiæ, quam in suo corpore pro tui nominis gloria passus est, sit libera, & tuo nomini semper sit devota. Per Dominum.

In primo Nocturno.

Lectioes de Scriptura occurrente.

In secundo Nocturno.

Lectio IV.

Beatus Rochus MontePef-
—sula.

fulano, Narbonensi Galliae civitate non ignobili, olim Agatha seu Agathapolis dicta, natus, jam ab ipso partu coelesti futuræ sanctitatis signo est insignitus. Nimirum parentes ejus Joannes & Libera longæva ætate provecti, & antea steriles voto concepto, ac frequentissimis precibus filium hunc tandem impetrarunt, quem nascentem, novo miraculo, rubea cruce in pectore insignitum, parentes ipsi vicinique omnes sunt admirati; expectationem coelestis augurii Rochus non fefellit. Ecce enim adhuc infantulus maternæ pietatis imitator, quartæ ac sextæ feriarum cujusque hebdomadæ jejuni, quo fuerat conceptus, etiam nondum rationis compos, voluit enutrir. Mortuo paulò post utroque parente, amplissimi patrimonii hæres unicus, & civitatis ipsius supremus Dominus, ac moderator relictus, qui infans, jam virili abstinentia sese materno ab ubere depulerat, fortiori longè humanarum rerum contemptu, vir factus, patriam, bonaque omnia & dignitates paternas nedum deseruit, sed contempsit. Inde immortalem patriam, propria contempta quæsi-

turnus, dum sciret ex Apostolo, permanentem civitatem nos hic nullam habere, sed futuram inquirere, loca sanctiora & toto terrarum orbe sanctitatis vestigiis celeberrima, cepit pedes invisere. Primum Aquam pendentem Italiæ urbem appulit, & ecce hac in civitate primam erga infirmos exercendæ charitatis nactus occasionem beatus Rochus, cum tota ferè civitas pestilentia morbo contabesceret, afflictis contagiosa lue hominibus sublevandis, totum se adjecit.

R. Honestum.

Lectio V.

INde civitate à morbo epidemia liberata, primum Cænosam, deinde Placentiam, & vicinas Italiæ urbes peragravit, mira ubique exercens opera charitatis, ac præsertim supra humanas vires divina virtute, & curationum frequentioribus signis toto illo in orbe celeberrimus. Inter quæ illud accidit, quòd Romam ad Purpurei Senatus Principem quemdam (Cardinalem dicunt) vocatus, tum peste laborantem, signo Crucis in fronte ægrotantis impresso, protinus sanavit, aliæque quàm plurima inibi in
tota

tota fermè Italia sanitatum miracula edidit sanctissimus Peregrinus. Enim verò probatissimi alioquin & gratissimi Deo & hominibus viri, necesse fuit, ut patientiam probaret tentatio. Quamobrem in Italia primum gravi febre ei infixâ, divina permissione sagittæ vulnere percussus, omni ope humana destitutus, sub arbore jacuit: cui, ut olim Christo ipsi, apparuit Angelus confortans eum, eundemque per id tempus, canis, sumpto de mensa Domini pane quotidiano pavit, non instinctu naturali, sed ejus jussu, qui corvis ministrantibus Prophetas suos enutrivit, & sitienti populo fontem aquæ e rupe durissima eduxit.

R. Amavit.

LECTIO VI.

INde in patriam redeuntem, novissima sed longè graviore tentatione Sanctum suum Dominus mirificavit. Illum enim vili in habitu, quem Evangelicæ paupertatis æmulatione induerat, deprehensum cives Montepessulani tamquam patriæ proditorem aut exploratorem, in carcerem detrudunt. Illic postremus fuit, ac certè ad meritum

augmentum gloriosissimus Christiani Antagonistæ cum mundo, & cum dæmone conflictus, dum illum sibi jure hæreditario debiti civitatis Montepessulanæ domini contemptu, hunc verò per proprios cives & parentes exasperantes adversus Sanctum, mira tot injuriarum tolerantia superat ac devincit. Tandem longè misericordissimus Deus, qui militem suum toto jam quinquennio cum concupiscentia mundi, & superbia vitæ conflictantem, e cœli specula intuebatur, prius Angelica visitatione confortatum, solo educit, cœlo donandum. Quem Oecumenici Constantiensis Patres, elata ejus in solemnibus supplicatione imagine omnesque toto terrarum orbe populi Christiani, in publica pestilentie clade, adeò propitium advocatum sunt experti, ut tot miraculorum frequentia, & unanimi orthodoxæ Ecclesiæ consensu firmata ejus sanctitate, & aræ sanctissimo Confessori erectæ & supplicationes publicæ fuerint institutæ, illumque plebs Christiana velut cœlo jam beatum jure merito veneratur.

R. Ille homo.

In tertio Nocturno.

Homilia in Evangel. Ecce nos reliquimus omnia. de Communi Abbatum.

DOMINICA PROXIMA

post

Festum Assumptionis B. V. M.

*Sancti Hyacinthi Confessoris
P. R. P. Duplex I. Classis
cum Octava.*

*Omnia ut in Breviario die
XVI. Augusti.*

In primo Nocturno.

*Lectioes. Justus si morte.
Nona Lectio & Commemora-
tio Dominica.*

SEXTA DIE.

Infra Octavam.

In secundo Nocturno.

*Ex libro moralium sancti
Gregorii Papæ.*

Lib. 10. Cap. 17.

Lectio IV.

Bene justis simplicitas & lampas esse dicitur & contempta. Lampas, quia interiùs lucet, & contempta, quia exterius non lucet. Intus ardet flamma charitatis, foris nulla gloria resplendet decoris. Lucet

ergo & despicitur, qui flagrans virtutibus, abjectus æstimatur. Sed usquequò lampas ista contemnitur? Usquequò despicibilis habetur? Numquid non fulgorem suum nullatenus exerit, & numquam quanta claritate candeat, ostendit? Ostendit planè: nam protinus additur; Parata ad tempus. Statutum, statutum quippe contemptæ lampadis tempus est extremi iudicii prædestinatus dies, quo justus quisque, qui nunc despicitur, quanta potestate fulgeat, demonstratur.

R. Honestum.

Lectio V.

Tunc enim cum Deo iudices veniunt, qui nunc pro Deo injustè judicantur. Tunc eorum lux tantò latius emicat, quantò eos nunc manus persequentium duriùs angustat. Tunc reproborum oculis patefcet, quòd cœlesti potestate subnixi sunt, qui terrena omnia sponte reliquerunt. Unde electis Veritas dicit: Vos, qui secuti estis me, in regeneratione, cùm sederit filius hominis in sede maiestatis suæ, sedebitis & vos super duodecim sedes iudicantes duodecim tribus Israël. Neque enim plus quàm duodecim iudices illa æterni

con

Lectio IX. dicitur de Ho-
milis in Evangel. Dominica

Te Deum laudamus.

DIE PROXIMA

non impedita post Octavam
sancti Hyacinthi.

In Translatione S. Casimiri
Confess. P. R. P. Duplex.

Oratio.

DEus, qui beatum Casi-
mirum de mundi &
carnis victoria triumphan-
tem, à terreno ad cœleste
regnum transtulisti: da quæ-
sumus, ut qui ejus hodie
memoriam Translationis a-
gimus, ejusdem semper in
adversitatibus experiamur
suffragia. Per Dominum.

In secundo Nocturno.

Lectio IV.

CAsimirus, patre Casimi-
ro, matre Elisabetha
Austriaca, Poloniæ Regibus
ortus, à pueritia sub opti-
mis magistris, pietate, bo-
nis artibus instructus, jve-
niles artus aspero domabat
cilicio, & assiduus extenua-
bat jejuniis. Regii spreta
lecti mollitie, dura cuba-
bat humo, & clàm intem-
pesta nocte præ foribus tem-
plorum pronus in terra di-
vinam exorabat clementiam.

In Christi contemplanda
passione assiduus, Missarum
solemniis adeò erecta in
Deum mente solebat adeste,
ut extra se rapi videretur.

R. Honestum fecit.

Lectio V.

Catholicam promovere
fidem summoperè stu-
duit, & Ruthenorum schis-
ma abolere: quapropter
Casimirum patrem induxit,
ut legem ferret, ne schis-
matici nova templa con-
struerent, nec vetera colla-
bentia restaurarent. Erga
pauperes & calamitatibus
oppressos beneficus & mise-
ricors, Patris & defensoris
egenorum nomen obtinuit.
Virginitatem, quam ab in-
cunabulis servavit illæsam,
sub extremo vitæ termino
fortiter asseruit, dum gra-
vi pressus infirmitate, mori
potius, quàm castitatis ja-
cturam ex medicorum con-
silio subire constanter de-
crevit.

R. Amavit eum.

Lectio VI.

Consummatus in brevi,
virtutibus & meritis
plenus, prænuntiatio mor-
tis die, inter Sacerdotum
& Religiosorum choros spi-
ritum Deo reddidit anno æ-
tatis vigesimo quinto. Cor-

pus Vilnam delatum multis claret miraculis. Etenim præterquam quod puella defuncta vitam, cæci visum, claudi gressum, & varii infirmi sanitatem ad ejus sepulchrum recuperârunt; Lithuanis exiguo numero ad potentissimi hostis insperatam irruptionem trepidantibus in aëre apparens, insignem tribuit victoriam. Quibus permotus Leo Decimus eundem Sanctorum catalogo adscripsit. In cuius honorem pluribus etiam per Joannem Casimirum Regem gratis in regni tutelam adversus infideles receptis, pietate primum Sigismundi Tertii Vilnæ regie exstructo, & à Uladislao Quarto pari munificentia absoluto sacello, & illuc corpore honorificentissimè translato, ejusmodi Translationis memoria hodie ipso Joanne Casimiro de hoc Sedi Apostolicæ supplicante anniversaria celebritate colitur. Et quoad diem celebrandi Festum

& officium sub ritu duplici per totum regnum Poloniæ illum transferri in Dominicam primam post Octavam Festi Assumptionis Beatæ Mariæ Virginis.

R. Iste Homo.

In tertio Nocturno.

Homilia in Evang. Sint lumbi vestri. de Communi Confess. non Pentif.

DIE XVIII. AUGUSTI.

In festo B. Clare de Monte Falco.

Oratio.

DEUS, qui beatam Virginem tuam Claram clarificans, in ipsius corpore Passionis tuæ, & Trinitatis Mysteria renovasti: præsta quæsumus; ejus precibus & imitatione sic nos tuæ passionis amaritudinem recordari, ut Trinitatis beatitudine perfrui mereamur. Qui vivis & regnas cum Deo Patre &c.



803 464

2000,

2. III. 41



**Bibliotheca
P.P. Camaldulensium in Bielany**

Depozyt w Bibliotece Jagiellońskiej



00079

17
2

30

27

16

24
23

22

16

7 12

16

160

8

8

15

8

11

14

11 my

3 2

2 Exp

2

15

4

114

100

J-